



Broj:04-GV-02-1055/18
Datum:09.10.2018. godine

ZAPISNIK
SA DESETE SJEDNICE KOMISIJE ZA PITANJA MLADIH
ODRŽANE 09.10.2018. GODINE

Prisutni:

1. Mr. Adis Holjan, predsjedavajući Komisije
2. Sanela Halač, članica
3. Srđan Simonović, član
4. Ahmed Kosovac, član
5. Merima Balkić, članica

Odsutni: Emir Sinanović, član, Enid Tahirović, član, (najavljen izostanak)

Sjednici prisustvovala iz Gradske službe za Gradskog vijeće

- Mirjana Đanović Stanić, šef Odsjeka za stručne poslove

Iz Gradske službe za obrazovanje kulturu i sport sjednici prisustvovao Elvir Nišić, stručni suradnik za mlade

Predsjedavajući je otvorio sjednicu pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu prethodne sjednice Komisije za pitanja mladih, uz uočenu tehničku ispravku.

Poslije rasprave i sažetka Predsjedavajućeg, jednoglasno je usvojen sljedeći **dnevni red**:

1. Prijedlog Izmjena i dopuna Programa rada Gradskog vijeća Grada Sarajeva za 2018. godinu
2. Nacrt programa rada Gradskog vijeća Grada Sarajeva za 2019. godinu
3. Tekuća pitanja

TAČKA 1.

Prijedlog Izmjena i dopuna Programa rada Gradskog vijeća Grada Sarajeva za 2018. godinu

Obrazloženje prijedloga da se razmatranje Strategije za mlade odloži za sljedeću godinu dao je predstavnik Gradonačelnika.

Poslije kratkih uvodnih napomena, bez rasprave i sažetka Predsjedavajućeg jednoglasno je usvojen sljedeći **zaključak**:

1. Komisija za pitanja mladih konstatira da je tema programirana na inicijativu ovog radnog tijela, Strategija za mlade Grada Sarajeva, nije realizirana u rokovima iz Programa rada Gradskog vijeća Grada Sarajeva za tekuću godinu.



TAČKA 2.

Nacrt Programa rada Gradskog vijeća grada arajeva za 2019. godinu

Poslije kratkih uvodnih napomena, bez rasprave i sažetka Predsjedavajućeg jednoglasno je usvojen sljedeći **zaključak**:

1. Komisija za pitanja mladih konstatira da tema, programirana na inicijativu ovog radnog tijela, Strategija za mlade Grada Sarajeva, nije realizirana u rokovima iz Program rada Gradskog vijeća Grada Sarajeva za tekuću godinu.
2. Komisija za pitanja mladih upućuje inicijativu Gradskom vijeću da zaduži Gradonačelnika da razmotri mogućnost uvrštavanja obilježavanja datuma od značaja za mlade u Gradu Sarajevu (kao što je Međunaradni dan mladih koji se obilježava 12. 08), u važeći protokol o obilježavanju značajnih datuma, događaja, i ličnosti za Grad Sarajevo, te da predloži Gradskom vijeću izmjene i dopune meritornog gradskog propisa u ovom smislu, ili da predloži drugi način na koji se mogu obilježiti datumi od značaja za mlade u Sarajevu.
3. Odbor za pitanja mladih podsjeća na zaključak koji je donesen na 19. sjednici Gradskog vijeća, vezano za planiranje sredstava za realizaciju projekata za mlade, a po prijedlogu Gradonačelnika (projekti usmjereni na zapošljavanju mladih i sl.), te upućuje inicijativu Gradskom vijeću da, svojim zaključkom, zaduži Gradonačelnika da, pri planiranju Budžeta Grad Sarajeva za 2019. godinu, planira odgovarajuća sredstva za praćenje realizacije buduće Strategije za mlade koja je sadržana u Nacrtu Programa rada Gradskog vijeća Grada Sarajeva za 2019. godinu, a kako bi i provođenje buduće strategije bilo realno i izvjesno.

TAČKA 3.

Tekuća pitanja

Članovi Komisije su iskazali izuzetno zadovoljstvo sa obrazloženjima i odgovorima na pitanja koje je iznio predstavnik Gradonačelnika Elvir Nišić, te se očekuje nastavak takve suradnje.

Zapisničar:

Mirjana Đanović-Stanić

PREDSJEDAVALJUĆI KOMISIJE

Mr. Adis Holjan, s.r.